

مسکن

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در

اتبعون اهدکم سبیل الرشاد

صاحب و مدیر مسئول : ح . اشرف اریب

جلد ۱ - ۸

۵ نیسان ۱۳۲۸

پنجشنبه

۱ جمادی الاول ۱۳۳۰

عدد ۷ - ۱۸۹

عبدالرشید ابراهیم افندی حضرت ترمیزه آهیبو معروضات

السلام علیکم .

حضرت ! «الجند جندان جندالوغاء وجندالدعاء» - عسکرایکیدر :
حرب عسکری ، دعا عسکری - حدیث شریفی معلوم فاضلانہ کزدر .
بوکون ابدیاً دشمنمز اولان ایتالیا جانوارلرینی معشوقه و جندانمز اولان
وطنمزدن طرد و تبعید ایتک اوزره طرابلس و بنغازی دارالحربنده
بولتان عسا کر و مجاهدین اسلامیه حرب عسکری ، بزده دعا عسکری یز .
روی زمینده موجود بو قدر میلیون اسلام ، اسلاملرک غالبیتی ،
دشمنمزدن مغلوبیت و مقهوریتی اوغرندده هر زمان جناب حقده دعادن ،
استرحامدن خالی دکدر . ذات فاضلانہلری بنغازی دارالحربنه کیتدیکز ،
اوراده اسلاملری تشجیع و غزایه تشویق ایتدیکز ، احتمال که : برقاج
محاربهدهده بولندیکز ؛ بر حرب عسکری اولوق شرف و فضیلتنه نائل
اولدیکز . بوندن بشقه اساساده بردعا عسکری ایدیکز . بوندن طولای
رسول اکرم اقدمزک عمجه زادهلری حضرت جعفره «رضی اه عنه»
غزوات حضرت پیغمبرینک اک بویوکلرندن اولان «موت» محاربهسندده
ایکی قولی کسبله رک شهید اولدیغندن «ذوالجناحین» وصف جیلنی
اعطا بویوردقلری کی سزده بو وصف ایله توصیف ایدلمکه بحق
سزا اولدیکز . حرب عسکری ایله دعا عسکری حضور الهیده
افضل الاعمال احمرها - حدیث شریفی اقتضاسنجه اجراً و ثواباً سیان
اوله ماز . هر حالده حرب عسکرینک عتاده موقعی دهها مبعجل و درجه سی
دها مکرمدر . «موت» غزاسنده بالذات رسول اکرم اقدمز اصحاب
کرامنی مستصحباً عودت بویوران غزات اسلامیه نی استقبال بویوردقلرینی
بیلرسکز . «موت» محاربه سی ده طرابلس محاربه سنک همان عینی کیدر .
عسا کر اسلامیه نک ازلی ؛ فقط زید بن حارثه ، جعفر طیار ، عبده
بن رواحه ، خالد بن ولید کی کرک فن حرب ، کرک متانت و حمیت
دینیہ نک بررتمثال مجسمی بولتان غزات و امرای اسلامیه نک موجودیتی
جهتندن طرابلس محاربه سنه بکزه مز می ؛ «موت» محاربه سنده دشمن
اردوسنک چوقلغیه بودفعه کی ایتالیانلرک چوقلغی ، فضله اوله رق
آلات و وسائط حربیه مزک هر حالده دشمنکنکه نسبتله ازلی ؛
فقط انورلر ، فتحیلر ، نشترلر ، موسالر ، ظافرلر ، ادهملر کی حمیت
مجسمه و وطن عاشقلرینک اوراده اولماسی جهتله شوایکی محاربه حقیقه
بری برینه بکزه تیله بیلر . جناب حق جمله سندن و جمله کزدن راضی
اولسون .

محاربه یه کیدن غزات اسلامیه نی رسول اکرم اقدمز حضرتلری
تشجیع ، عودتدهده استقبال بویوردلردی . بو عادت مستحسنه الان
مملکت مزده جاریدر . کچکی یونان محاربه سنده مسقط رأسم اولان «بور»
قصبه سنک عسا کر ردیفه سی طویلاندی . اهالی جمله ایکی ساعتک
مسافه یه قدر تشجیع ایتدیلر ، عودتدهده استقبال ایتدیلر سده -
فخر کاشات اقدمزک «موت» محاربه سندن عودت بویوران غزایلری

استقبالده حضرت جعفرک شهادتنه فوق العاده اسفناک اولوب مشارالیه
غزات اسلامیه آراسنده کورمدکلرندن مخدوملری عبدالله بن جعفرک
یوزینه باقدقجه تأثرلرینی ضبط ایدمه یه رک چشم منور جناب رسالتینا
هیلرندن اشک تأثر دوکدکلری کی - وفات ایدنلره ، شهید اولانلره
آغلامشلردی . بنم ایچون اوکونلری اونو تمق ممکن دکدر .

حضرت ! حسب الضروره سزی استقبال بنجه ممکن دکل . ممکن
اولمادیغندن شو آچیق معروضاتمله غزا کزی تبریک و برشی دهها رجا
ایدرم . اسعافی قولای اولدیغندن دریغ بویورمایا جغکزه امینم :
سبیل الرشادک اوچجی نسخه سنده دارالحربه ناصل کیده بیلدیککلری
بوابده اقتحام ایلدیککلر مشاق و مزاحمی تقریر بویور بویورسکز .
طاطلی طاطلی او قودم . هله «موت» غزاسنک سیف الهی حضرت
خالد ایسه طرابلس محاربه سنک سیف الهی توصیفه کسب
استحقاق ایدن انور پاشا حقنده کی حمل تقدیر کارانه کز بنی
افتخارلره ، غبطه لره غرق ایلدی . بویوخلری او قودقجه مجاهدینه
دعالر ایلدم . نهایتده برقاج موعظه دهها تقریر بویورده جغکزه دائر
وعد فاضلانہ کز بنی دهها زیاده ممنون ایتشدی . «الکریم اذا وعد
وفا» دکلی ؛ سبیل الرشادده انور پاشا حقنده عرب قرداشلرمن
طرفندن تنظیم ایدیلن قصائد بلیغدن بر ایکی نمونه ایله قارئلرکزه
برقاج موعظه دهها تقریر بویورمکزی حمیت مسلمه کزدن انتظار
ایتدیکمی بیان و عفو عالیکزی رجا ایدرم حضرتم .

تمه : شوکونلر شانلی اردومزک نواقصندن بری اولان «طیاره
فیلسی» تشکیلی حقنده له الحمد اها لیمزده فوق العاده شوق و هوس
کورلمکدهدر . ایراد بویورده جغکز موعظه لرده سامعیندن مناسب بر
اجرت آلنیده «طیاره» اغانه سنه ویریلیرسه دفتر حسناتکزه برضیمه
فائقه دهها ایفا ایدلمش اولور .

صامسون : اعدادی معلملرندن

حسن روحی

سبیل الرشاد . - بو صره ده علمی قونفرانسلرده - سیاسیه
تحلیلر ملاحظه سیله - اداره عرفیه طرفندن منع اولندیغی جهتله
حضرتک ویره جکی قرارلشدیریلان بیوک و عمومی قونفرانسلر
بالضروره تأخیر اولمشدر . مع هذا حضرت بعض قلوبلرده خصوصی
قونفرانسلر ویرمکدهدر . شمدی ده ارکلی اهالی کرامی طرفندن
دعوت اولندیغی جهتله اورایه عزیمت ایتشلردر . ان شاء الله
عودتلرنده دارالحربه عائد خاطراتنی تقریر و نشر بیورده جغلردر .

«سبیل الرشاد» جریده مخبره سی اداره علمیه

محترم محررین کرام ،

«کنتم خیرامة الناس تأمرون بالمعروف و تنهون عن المنکر»
آیت جلیلہ سنک کوزلجه تفسیرینه و بواصر جلیلہ اتباعاً امر بالمعروفده